



Adresseinformasjon fylles inn ved ekspedering.
Se mottakerliste nedenfor.

Dato: 23.12.2019
Vår ref: 18/04100-16
Deres ref:

Tildeling av driftskonsesjon etter minerallova for Frisvoll grustak i Nesset kommune. Tiltakshaver: Nesset Bygg AS

Leiv Erikssons vei 39
Postboks 3021 Lade
N-7441 Trondheim

TELEFON + 47 73 90 46 00

E-POST post@dirmin.no

WEB www.dirmin.no

GIRO 7694.05.05883

SWIFT DNBANOKK

IBAN NO5376940505883

ORG.NR. NO 974 760 282

SVALBARDKONTOR

TELEFON +47 79 02 12 92

Direktoratet for mineralforvaltning med Bergmeisteren for Svalbard (DMF) visert til søknad om driftskonsesjon datert 12. desember 2018 fra Nesset Bygg AS (org. nr. 956 833 876).

1. Tildeling av driftskonsesjon

Direktoratet for mineralforvaltning med Bergmeisteren for Svalbard (DMF) visert til søknaden om driftskonsesjon datert 12. desember 2018 fra Nesset Bygg AS (org. nr. 956 833 876). Nesset Bygg AS (org. nr. 956 833 876), heretter kalla «Tiltakshavar» eller «Tiltakshavaren», får med dette driftskonsesjon etter minerallova § 43.

Tiltakshavaren får driftskonsesjon for uttak av grus i Frisvoll grustak på del av eigedom gbnr. 73/8 i Nesset kommune. Mineralførekomensten hører til kategorien mineral som grunneigaren eig.

Konsesjonsområdet har eit areal på kring 26 daa og går fram av kart «Frisvoll grustak – konsesjonsområde».

Etter reguleringsplan «Frisvollgrustak – detaljregulering», planID 1543_20180001, vedtatt 19. september 2019, er området regulert til steinbrot og masseuttak.

Tildeling av driftskonsesjon erstattar ikkje krav om andre løyve, godkjenning, arealavklaring eller konsesjon etter anna lovgiving. Tiltakshavaren er ansvarleg for å innhente andre nødvendige løyve.

2. Vilkår for driftskonsesjonen

Konsesjonen blir gjeven på desse vilkåra:

2.1. Driftsplan

Drifta skal til ei kvar tid gå føre seg i samsvar med ein driftsplan godkjend av DMF.

Dersom Tiltakshavaren ønskjer å gjere vesentlege avvik frå driftsplanen, skal DMF godkjenne dette på førehånd.



DMF kan krevje ny oppmåling og at ajourførte kart og profilar skal sendast inn når DMF finn det nødvendig.

2.2. Økonomisk sikkerheit

Tiltakshavaren blir pålagd å stille økonomisk sikkerheit med NOK 340 000, som skildra i punkt 5.11 av vedtaket, for å sikre at nødvendige sikrings- og oppryddingstiltak blir gjennomførte etter minerallova §§ 49 og 50, jf. minerallova § 51.

Den økonomiske sikkerheita skal stillast i form av ein bankgaranti for eit grunnbeløp på NOK 150 000, og deretter årlege avsetjingar til ein bankkonto som det skal etablerast pant i til fordel for DMF slik at Tiltakshavaren ikkje kan råde over kontoen på noko vis, begge deler som skildra i punkt 5.11.

Innan 2 månader etter datoen på dette konsesjonsvedtaket skal Tiltakshavaren ha:

- (i) inngått ein avtale om finansiell sikkerheit med DMF;
- (ii) lagt fram påkravsgaranti frå bank som DMF vurderer som tilfredsstillande;
- (iii) etablert pantet til fordel for DMF, jf. pantelova §§ 4-4 til 4-6.

2.3. Bergteknisk ansvarleg

Det skal utan grunnlaust opphald sendast skriftleg melding til DMF om alle skifte av bergteknisk ansvarleg for eit uttak.

3. Godkjenning av driftsplan

DMF godkjener driftsplanen for Frisvoll grustak. Den godkjende versjonen av driftsplanen ligg ved dette konsesjonsvedtaket.

4. Høyringsfråsegner med kommentarar frå DMF

Søknaden om driftskonsesjon har vore på høyring, jf. forvaltningslova § 17, hos Nesset kommune, Fylkesmannen i Møre og Romsdal, Møre og Romsdal fylkeskommune, NVE, Statens Vegvesen, Nesset Kraft AS og aktuelle nabobar.

Høringsperioden var frå 31. oktober 2019 til 29. november 2019. DMF har mottatt høyringsfråsegn frå Nesset kommune, Fylkesmannen i Møre og Romsdal, Møre og Romsdal fylkeskommune, NVE, Statens vegvesen og Nesset Kraft AS.

Frå høyringsfråsegnene har DMF særleg merkt seg dette:

Nesset kommune

Nesset kommune vedtok i møte 19. september 2019, sak 074/19, detaljreguleringsplan for Frisvoll grustak. Planbeskrivinga har vurdert ulike relevante tema. Kommunen kjenner ikkje til andre forhold som en bør ta omsyn til ved drift av masseuttaket. Kommunen legg til grunn at tiltaket er i tråd med gjeldande reguleringsplan og har ingen spesielle merknader til at det blir gitt driftskonsesjon.

DMF sin kommentar

DMF tek høyringsfråsegnna til etterretning.

Fylkesmannen i Møre og Romsdal



Fylkesmannen har mottatt søknad om driftskonsesjon på høyring, der DMF ber Fylkesmannen opplyse om aktiviteten ved Frisvoll grustak har ein uheldig påverknad på miljøet, til dømes naturmangfaldet og forureining.

Fylkesmannen har ut frå sine ansvarsområde ingen marknader til at det blir gitt driftskonsesjon som omsøkt.

DMF sin kommentar

DMF tek høyingsfråsegna til etterretning.

Møre og Romsdal fylkeskommune

Møre og Romsdal fylkeskommune har ut frå sine ansvarsområde ingen særskilte merknader til driftskonsesjon i samsvar med godkjent reguleringsplan.

DMF sin kommentar

DMF tek høyingsfråsegna til etterretning.

NVE

NVE har ingen merknad i saka.

DMF sin kommentar

DMF tek høyingsfråsegna til etterretning.

Statens vegvesen

Tiltaket skal være i tråd med reguleringsplan for Frisvollgrustak. Statens vegvesen har derfor ingen merknader til at det gis tillating.

DMF sin kommentar

DMF tek høyingsfråsegna til etterretning.

Nesset Kraft AS

Nesset Kraft AS har i utgangspunktet ingen innvendingar til søknad om driftskonsesjon, men framfører også her de innspele selskapet har hatt til reguleringsprosessen tidligere i saksgangen. Nesset Kraft AS har en eksisterande 22 kV høyspentlinje som går gjennom reguleringsområdet og har hatt følgande merknader/innspele forbindelse med planarbeidet:

- Nesset Kraft AS ber om at det blir tatt nødvendige omsyn til eksisterande eller en eventuelt omlagt høyspentforsyning i planarbeidet.
- Etter mange år med masseuttak står to mastepunkter etter kvart på høyder med bratte usikre skjæringar. Dette gjeld både nord og sør i eksisterande massetak, noko som er illustrert ved bildar
- Mastepunktet nord i området har en 22 kV nedgravd kabelavgang som har retning nordvestover og går ut av området, denne dekker den lokale forsyninga til bustader, noko som er illustrert ved bildar.
- Det må etablerast sikring av skjeringa for å hindre utrasing samt stabilitet for mastepunkter.
- Ved behov for strømforsyning til framtidig verksemde ber Nesset Kraft AS om at dette også bli tatt inn i planen.
- For framtidig arbeid med masseuttak, lasting og lossing oppfordrar til å lage fysiske sikkerheitssonar som forhindrar nærføring til høyspentlinjen.



- Alternativt kan høyspentforsyningen sikres ved at linja blir omlagt eller deler av denne blir lagt i kabel.

DMF sin kommentar

DMF viser til at det har vært kontakt mellom Nesset Kraft AS og tiltakshavar i forbindelse med arbeidet med reguleringsplanen og at det da ble gjort avklaringar i forhold høyspentmastene i området. DMF føreset at tiltakshavar held seg til de avtaler som her er gjort. DMF tek høyningsfråsegna til etterretning.

5. Korleis DMF vurderer søknaden om driftskonsesjon

Føremålet til minerallova er å fremje og sikre samfunnsmessig forsvarleg forvaltning og bruk av mineralressursane i samsvar med prinsippet om ei berkräftig utvikling.

Etter minerallova § 43 er det krav om driftskonsesjon frå DMF for samla uttak av mineralførekomstar på meir enn 10 000 m³ masse og for alt uttak av naturstein. Berre den som har utvinningsrett kan få driftskonsesjon.

Konsesjonssøknader går gjennom ei skjønnmessig prøving før det blir avgjort om det skal gjevest driftskonsesjon. I vurderinga av om det skal gjevest driftskonsesjon skal det leggjast vekt på om søkeren er "skikka" til å utvinne førekomsten. Dette inneber at ein skal leggje vekt på om prosjektet ser ut til å vere økonomisk gjennomførbart, om det blir lagt opp til bergfagleg forsvarleg drift, og om søkeren har tilstrekkeleg kompetanse til å drive førekomsten. I vurderinga av om det skal gjevest driftskonsesjon skal det også leggjast vekt på omsyna som er nemnde i minerallova § 2.

DMF kan fastsette vilkår for ein driftskonsesjon. Når DMF avgjør kva vilkår som skal stillast, vurderer direktoratet mange av dei same omsyna som er relevante for vurderinga av om det skal gjevest konsesjon.

DMF har vurdert konsesjonssøknaden slik:

5.1 Utvinningsrett

Mineralførekomsten som skal utvinnast tilhøyrer kategorien mineral som grunneigaren eig. Tiltakshavaren er ikkje grunneigar for konsesjonsområdet, og det blir difor kravd avtale med grunneigaren om utvinningsretten til førekomsten. Tiltakshavaren har i søknadsprosessen lagt fram ein avtale/avtalar med grunneigaren/grunneigarane for del av eigedomen gbnr. 73/8 som dokumentasjon for utvinningsrett.

Avtalen gjev Tiltakshavaren utvinningsrett til førekomsten på det området det er søkt om konsesjon for i avtaleperioden.

Etter DMF si vurdering har Tiltakshavaren utvinningsretten til førekomsten.

5.2 Arealstatus for tiltaket

Konsesjonsområdet har eit areal på kring 26 daa og går fram av kart «Frisvoll grustak – konsesjonsområde».

Etter reguleringsplan «Frisvollgrustak – detaljregulering», planID 1543_20180001, vedtatt 19. september 2019, er området regulert til steinbrot og masseuttak.



5.3 Økonomien i prosjektet

DMF har vurdert årsrekneskapen med styret si årsmelding og notar for dei siste 2 åra. På grunnlag av opplysningane som er gjevne vurderer DMF bedrifa som økonomisk skikka.

5.4 Driftsplan

For å sikre at kravet om bergfagleg forsvarleg drift blir oppfylt, finn DMF grunn til å ta inn i konsesjonen eit vilkår om at drifta til ei kvar tid skal gå føre seg i samsvar med ein driftsplan godkjend av DMF.

Driftsplanen skal vere eit styringsverktøy for Tiltakshavaren i gjennomføringa av uttaket, og eit referansedokument i samband med DMF sine tilsyn.

I samband med søknaden har Tiltakshavaren lagt fram eit framlegg til driftsplan for uttaket.

Framlegget til driftsplan omfattar heile driftsperioden og avsluttinga av grustaket.

Skildringa og kart- og snitteikningar presenterer det planlagde uttaket av førekomsten innanfor arealet på 30 dekar. Det totale volumet grusreservar som skal takast ut ned til botnkoten på nivå 34 m er estimert til kring 170 000 m³. Det årlege uttaket vil variere med marknaden, men det planlagde uttaket per år er 10 000 m³. Det er planlagt drift i tre etappar. I tillegg til driftfasane er det lagt fram ein plan for sikring og avslutting av grustaket.

Etter DMF si vurdering kan den vedlagde versjonen av driftsplan for Frisvollgrustak godkjennast. Ein finn at planen tilfredsstiller dei krava som DMF stiller til driftsplanar, og etter DMF si vurdering legg planen opp til bergfagleg forsvarleg drift.

Dersom det under drifta oppstår nye situasjoner eller andre endringar i føresetna dene for drifta, til dømes geologiske og kvalitetmessige variasjonar, bør det likevel på visse vilkår kunne opnast for å gjere endringar og tilpassingar i planen. Dersom Tiltakshavaren ønskjer å gjere vesentlege avvik frå driftsplanen, skal DMF godkjenne dette på førehånd.

Undervegs i drifta kan DMF få bruk for oppdaterte kart og snitt som dokumenterer den noverande situasjonen i uttaksområdet og status i høve til den godkjende driftsplanen. Det blir difor teke inn som eit vilkår i konsesjonen at DMF kan krevje at Tiltakshavaren gjer ny oppmåling og at ajourførte kart og profilar skal sendast inn når DMF finn det nødvendig.

5.5 Bergfagleg forsvarleg drift

Kravet om at drifta til ei kvar tid skal gå føre seg på ein bergfagleg forsvarleg måte inneber at aktiviteten må vere i samsvar med tilfredsstillande faglege standardar for denne typen verksemd.

Etter DMF si vurdering er den føreslegne driftsplanen for uttaket bergfagleg forsvarleg. Ved vurderinga har DMF lagt vekt på driftsplanen for uttaket.



5.6 Kva kompetanse søkjaren har til å drive førekomsten

I vurderinga av om søkjaren har tilstrekkeleg kompetanse er det den totale kompetansen som søkeren har tilgang til som skal vurderast opp mot kravet om å vere skikka.

Etter forskrift til minerallova § 3-1 skal alle uttak av mineralske ressursar ha ein bergteknisk ansvarleg.

Tiltakshavaren har i søknaden gjeve opp Bjørn Frisvoll som bergteknisk ansvarleg for uttaket. Personen er registrert hos DMF som bergteknisk ansvarleg for uttaket og oppfyller kvalifikasjonskrava i forskrifta.

Etter DMF si vurdering har Tiltakshavaren tilstrekkeleg kompetanse til å drive førekomsten.

5.7. Dei miljømessige konsekvensane av utvinning

I vurderinga av om det skal gjevest driftskonsesjon skal det leggjast vekt på omsynet til miljøet og kulturminne og DMF kan setje vilkår i konsesjonsvedtak for å sikre kulturminne og miljøomsyn.

Det finst ein godkjend reguleringsplan for uttaket. Planskildringa i reguleringsplanen gjer greie for miljøverdiar i området og korleis uttaket vil påverke miljøet.

Vurdering etter naturmangfaldlova

Naturmangfaldlova § 7 pålegg alle offentlege instansar som tek avgjelder som påverkar naturen å vurdere planlagde tiltak opp mot prinsippa i naturmangfaldlova §§ 8–12. Reguleringsplanen, høyningsfråsegner og eigne søk i Naturbase og Artskart (giennomførte den 4. desember 2019) er lagde til grunn for vurderingane etter naturmangfaldlova i DMF si handsaming av søknaden. Det er ikkje kome fram opplysningar i vurderingsgrunnlaget som tyder på at uttaket vil kome i konflikt med naturverdiar i området. DMF reknar kunnskapskravet i naturmangfaldlova § 8 for oppfylt. Sidan uttaket ikkje vil ha nokon større verknad på naturmangfaldet og ein ikkje kan påvise at tiltaket vil påverke truga, nær truga eller verdifull natur, legg DMF til grunn at det ikkje er nødvendig å gjere vidare vurderingar etter miljøprinsippa i naturmangfaldlova §§ 9–12.

Konsekvensar av tiltaket for kulturminner

Kulturminne er handsama som eit eige tema i planskildringa. DMF støttar seg til dei vurderingane som bleigjorde i samband med reguleringsplanarbeidet, og meiner at omsynet til kulturminne er sikra. DMF minner likevel om den generelle varslingsplikta etter kulturminnelova § 8.

På bakgrunn av det som er omtala ovanfor har DMF kome til at det ikkje finst faktorar knytte til miljø og kulturminne som tilseier at det ikkje skal gjevest driftskonsesjon eller at det er nødvendig å setje vilkår om avbøtande tiltak.

5.8 Forholdet til omgivnadene og nærliggjande område under drift

Mineralressursane skal forvaltast og brukast på ein måte som tek omsyn til omgjevnadene og dei nærliggjande områda under drift. Det er difor viktig at drivaren gjennomfører nødvendige sikringstiltak for å unngå skadar på eigedom, menneske og dyr.



Grustaket skal under drift sikrast med ei låsbar bom og varselskilt. Vidare skal grustaket sikrast med eit midlertidig gjerde. Avsluttingsplanen legg opp til ei slak helling på skråningar, slik at det ikkje vil vera behov for ytterlegare sikringstiltak i permanent tilstand.

Det vurderast av DMF at Tiltakshavars forslag til sikringsomfanget ert tilstrekkelig for sikker drift.

5.9 Kva tiltaket får å seie for verdiskaping og næringsutvikling

Førekomsten det er søkt om driftskonsesjon for fell inn under råstoffgrupperinga sand, grus, pukk og leire (byggjeraüststoff). Råstoffet blir brukt i produkt som det moderne samfunnet er heilt avhengig av og som blir brukte i bygg, vegrar og anlegg.

Formål med uttaket er hovudsakelig til bruk i eigne utbyggingsprosjekt for Nessel Bygg AS. Førekomsten er klassifisert av NGU som ei sand og grus-avsetting av lokal betyding.

5.10 Langsiktig planlegging for etterbruk eller tilbakeføring av området

Etter ferdig uttak skal arealet tilbakeførast som LNF-område, med tildekking av matjord og tilsåing. Hovuddelen av uttaksområdet blir ei horisontalflate, medan skråningar skal planerast til ei slak helning på 1:2.

Etter DMF si vurdering er dei planane som finst for etterbruk eller tilbakeføring tilfredsstillande, og såleis ikkje noko avgjerande moment som talar mot å gje konsesjon.

5.11 Økonomisk sikkerheit

I søknaden om driftskonsesjon har Tiltakshavaren, i samsvar med forskrift til minerallova § 2-1, gjort framlegg til korleis sikkerheit kan stillast. DMF fastset dei endelige krava til sikkerheit.

5.11.1. Pålegg om å stille økonomisk sikkerheit og vurdering av kor stor sikkerheita skal vere

Etter DMF si vurdering er Tiltakshavaren sitt framlegg til kor stor sikkerheita skal vere tilfredsstillande.

Etter ei konkret vurdering av tiltaket finn DMF at Tiltakshavaren skal påleggjast å stille finansiell sikkerheit på NOK 340 000 for å sikre at nødvendige sikrings- og oppryddingstiltak blir gjennomførte etter minerallova §§ 49 og 50, jf. minerallova § 51. I vurderinga av kor stor sikkerheit som skal krevjast har DMF lagt vekt på sine eigne erfaringstal for tilsvarande uttak, med tillegg for eksterne og uventa kostnader.

5.11.2. Form for sikkerheit

Det skal stillast sikkerheit i ei slik form at den ikkje vil gå inn i konkursbuet i tilfelle konkurs hos Tiltakshavaren, jf. forskrift til minerallova § 2-1 tredje ledd.

Etter DMF si vurdering vil det vere føremålstenleg at den økonomiske sikkerheita blir stilt ved bankgaranti og individuell fondsavsetjing til ein bankkonto som det etter ein eigen avtale om finansiell sikkerheit skal etablerast pant i til fordel for DMF, jf.



pantelova §§ 4-4 til 4-6. Tiltakshavaren skal ikkje ha råderett over denne bankkontoen, som skal vere sperra til fordel for DMF.

Bankgaranti – oppstartsfasen

DMF vurderer det som nødvendig at Tiltakshavaren, innan 2 månader etter datoén då konsesjonsvedtaket bleigjort, stiller ein bankgaranti som DMF vurderer som tilfredsstillande som påkravsgaranti for eit beløp på NOK 150 000. Dette er nødvendig for å ha tilstrekkeleg sikkerheit i oppstartfasen før fondet har nådd maksimal avsetjing. Storleiken på bankgarantien er fastsett på grunnlag av ei vurdering av kva som blir rekna for å vere tilstrekkeleg sikkerheit i denne fasen.

DMF kan fremje krav i høve til bankgarantien i desse tilfella:

- (i) Etter utløpet av Tiltakshavaren sin frist for å utføre nødvendige sikrings- og oppryddingstiltak som DMF godtek;
- (ii) Ved konkurs, opphøyre eller anna avvikling av Tiltakshavaren si verksemd; og
- (iii) Dersom konsesjonen blir trekt attende.

Ved melding til garantisten om at eitt av tilfella nemnde i punkt (i)–(iii) over har oppstått, skal DMF ha rett til å få utbetalt det kravet som blir gjort gjeldende etter bankgarantien, utan omsyn til motsegner frå Tiltakshavaren. Bankgarantien skal stå ved lag så lenge beløpet som står på bankkontoen ikkje har nådd NOK 150 000. Når beløpet på bankkontoen har nådd NOK 150 000, eller tidlegare etter skriftleg samtykkje frå DMF, fell plikta til bankgaranti bort.

Individuell avsetjing, avsetjingsperiode og storleiken på avsetjinga

Deretter skal Tiltakshavaren setje inn midlar på bankkontoen årleg fram til totalbeløpet på NOK 340 000 er nådd. Dei årlege innskota blir rekna ut etterskotsvis på grunnlag av masseuttaket året før. Det skal betalast inn NOK 1,32 årleg per tonn utteken masse.

Ved fastsetjinga av satsen per tonn utteken masse har DMF lagt til grunn at fondet skal byggjast opp over ein periode på 13,6 år, det vil seie NOK 25 000 per år. I søknaden er det rekna med eit uttak på 10 000 m³/år, tilsvarande om lag 19 000 tonn/år, noko som gjev ei årleg avsetjing på NOK 1,32 per tonn.

Innbetalinga for masseuttaket må vere avsett innan 1. februar året etter.

5.11.3. Rapportering og dokumentasjon

Beløpet som står på kontoen skal dokumenterast årleg ved å gje DMF tilgjenge til ei oppdatert kontoutskrift. All avkasting på midlane skal godskrivast kontoen.

I tillegg finn DMF det nødvendig at Tiltakshavaren underveis i drifta vurderer om den sikkerheita som er stilt er tilstrekkeleg til å dekkje kostnadene til sikrings- og oppryddingstiltak og gjev DMF tilbakemeldingar om dette. Dersom den fastsette driftsperioden for uttaket blir endra eller det skjer andre vesentlege endringar i driftsplanen, skal DMF informerast umiddelbart. Elles skal tiltakshavaren kvart femte år gjere ei ny vurdering av om sikkerheita er tilstrekkeleg. Nårvurderinga er gjord, skal tiltakshavaren utarbeide ein rapport og sende den til DMF utan grunnlaust opphald.



DMF kan også ha behov for meir rapportering og dokumentering enn det som er skildra over, og finn det difor nødvendig å påleggje Tiltakshavaren plikter i så måte i konsesjonsvilkåra.

5.11.4. Justering av sikkerheita

Etter forskrift til minerallova § 2-2 første ledd andre punktum kan DMF gjere vedtak om endring av storleiken på avsetjinga, inkludert dei årlege innbetalingane frå Tiltakshavaren, og tidspunktet for innbetaling. Slike endringar kan også gjerast når som helst ved endringar i minerallova og andre relevante lover, forskrifter og vedtak.

6. Kor lenge driftskonsesjonen gjeld

Driftskonsesjonen kan reviderast etter 10 år.

Driftskonsesjonen fell bort dersom drift ikkje er starta opp seinast fem år etter at konsesjonen er gitt. Det same gjeld dersom drifta blir innstilt i meir enn eitt år. Det kan søkjast til DMF om å forlengje desse fristane. Driftskonsesjonen fell også bort dersom:

- utvinningsretten for statens mineral blir sletta
- avtalen om rett til å utnytte førekomenst av grunneigars mineral går ut
- skjønn ikkje er kravd innan eitt år etter at ekspropriasjonsløyve er gitt etter minerallova § 37 andre ledd bokstav a

Driftskonsesjonen kan ikke overdragast. Det gjeld også ved overdraging av utvinningsretten.

7. Plikter for tiltakshavaren

Tiltakshavaren har rettar og plikter som følgjer av minerallova med forskrifter.

Meldeplikt ved oppstart og stans av drift

Seinast éi veke før oppstart av drifta skal tiltakshavaren sende melding til DMF. Tiltakshavaren skal også sende melding til DMF før drifta mellombels blir stansa eller lagd ned i medhald av minerallova § 44.

Drifta skal utførast med varsemd

Drifta skal utførast med varsemd, slik at skadane ikke blir større enn nødvendig. Etter minerallova § 48 skal arbeida heller ikke føre til unødig forureining eller skade på miljøet.

Forsvarleg sikring og opprydding

Området skal sikrast slik at arbeidet ikke medfører fare for menneske, husdyr eller tamrein. Etter minerallova § 49 omfattar sikringsplikta også gruveopningar, tippar og utlagde massar på område som er knytte til konsesjonsområdet.

Etter minerallova § 50 skal området vere forsvarleg rydda mens arbeida går for seg. Etter minerallova §§ 49 og 50 skal området vere forsvarleg rydda og varig sikra etter at arbeida er avslutta. DMF kan fastsetje ein frist for når oppryddinga skal vere avslutta.

Ansvaret til bergteknisk ansvarleg

Bergteknisk ansvarleg har eit særskilt ansvar for å sjå til



- at drifta er teknisk forsvarleg og tek omsyn til arbeidstakarar, nærliggjande bygningar og omgivnadene elles
- at førekomsten blir avbygd på ein berekraftig måte
- at drifta til kvar tid er i samsvar med ein ajourført og godkjend driftsplan

Rapportering

Tiltakshavaren skal sende årleg driftsrapport til DMF via «Min side» på dirmin.no.

8. Rett til å klage

Partane i saka og andre med rettsleg klageinteresse kan klage på vedtaket i samsvar med reglane i forvaltingslova kapittel VI.

Fristen for å klage er tre veker etter at de har fått dette brevet. Klagen skal sendast til DMF for ny vurdering. Dersom DMF ikkje finn grunn til å gjere om vedtaket, sender vi klagen til Nærings- og fiskeridepartementet, som gjer endeleg vedtak i saka. I klagen må de gjere greie for kva de klagar på, og kvifor, og de må foreslå endringar.

Etter forvaltingslova § 18 og 19 har partane i saka rett til å sjå saksdokumenta.

For nærmare informasjon om minerallova med tilhøyrande forskrifter, sjå heimesida vår på www.dirmin.no. Her finn du og vår digitale kartløysning, som er eit nyttig verktøy for oppdatert informasjon om mineraluttak, bergrettar m.m., supplert med relevante kartdata frå andre etatar.

Med helsing

Maria Lauritzen
seksjonssjef

Thomas Furunes
seniorrådgiver

*Dokumentet er elektronisk signert og har difor ikkje handskrivne signaturar.
Sakshandsamar: Thomas Furunes*



Vedlegg:

Frisvollgrustak - avtale om finansiell sikkerhetsstillelse.docx
Frisvollgrustak - godkjent driftsplan.pdf
Frisvollgrustak - konsesjonsområde.pdf
Frisvollgrustak - pantsettelseserklæring.docx
Frisvollgrustak - påkravsgaranti.docx

Mottakarar:

Nesset Bygg AS Baksidevegen 217 6460 EIDSVÅG I ROMSDAL

Kopi til:

| | | |
|---|---------------------|------------------------|
| John Færøy | FRISVOLLVEGEN 26 | 6470 ERESFJORD |
| Siv Kvenseth Færøy | FRISVOLLVEGEN 26 | 6470 ERESFJORD |
| Jan Frode Frisvoll | KANNDALSGEEN 31 | 6470 ERESFJORD |
| Leif Helge Solhjell | FRISVOLLVEGEN 30 | 6470 ERESFJORD |
| Leidulf John Frisvoll | FRISVOLLVEGEN 93 | 6470 ERESFJORD |
| Håvard Noralf Frisvoll | FRISVOLLVEGEN 28 | 6470 ERESFJORD |
| Audun Arnfinn Frisvoll | KANNDALSGEEN 9 | 6470 ERESFJORD |
| Frode Frisvoll | MORTVEIEN 32 | 1528 MOSS |
| Erik Helle | FRISVOLLVEGEN 59 | 6470 ERESFJORD |
| Arne Frisvoll | KVENNAVEGEN 19 | 6470 ERESFJORD |
| Tone Kvamsås | KVENNAVEGEN 33 | 6470 ERESFJORD |
| Else Margrethe Sira | KVENNAVEGEN 12 | 6470 ERESFJORD |
| Torunn Mary Stornes | KVENNAVEGEN 36 | 6470 ERESFJORD |
| Knut Frisvoll | GRYTASTRANDVEGEN 57 | 6265 VATNE |
| Gunn M. H. Rekdal | KVENNAVEGEN 37 | 6470 ERESFJORD |
| Raymond Rekdal | KVENNAVEGEN 37 | 6470 ERESFJORD |
| Ole Torhus | TORHUSVEGEN 45 | 6470 ERESFJORD |
| Bjørn Frisvoll | KVENNAVEGEN 34 | 6470 ERESFJORD |
| Kjell Magne Alme | KVENNAVEGEN 12 | 6470 ERESFJORD |
| Roger Nilsen | KVENNAVEGEN 38 | 6470 ERESFJORD |
| Kurt Asle Arvesen | TRULSEBRÅTEN 65 | 1350 LOMMEDALEN |
| Stig Arild Arvesen | NERÅSVEGEN 70 | 6470 ERESFJORD |
| Kirsti Fagerslett | SYLTEBØVEGEN 78 | 6470 ERESFJORD |
| Fylkesmannen i Møre og Romsdal | Postboks 2520 | 6404 MOLDE |
| Møre og Romsdal fylkeskommune | Postboks 2500 | 6404 MOLDE |
| Nesset kommune | Kommunehuset | 6460 EIDSVÅG I ROMSDAL |
| Statens vegvesen Region midt | Fylkeshuset | 6404 MOLDE |
| Norges vassdrags- og energidirektorat Region vest | Naustdalsvegen 1B | 6800 FØRDE |
| Nesset Kraft AS | | 6460 EIDSVÅG I ROMSDAL |